

Ar Plac'h

Ma vefe red din brezelli,
 Me rofe plom d'an ennemi,
 Me ziscoelfet ma c'hourach
 En creis an tan, en creis an tan,
 Vin quiet plac'h treitour na lach,
 Da denna'r Prussian.

Ar Goas

Va mestres quer, an creis an tan
 Evit eur plac'h so re a boan,
 A gant trous ar c'hanolliou
 Teufes bousar, teufes bousar,
 A gant ners ar mitrailloù,
 E cwefes d'an douar.

Ar Plac'h

Ma ne c'han da vrezelli,
 Da renta fas d'an ennemi,
 Me a vo cantinières,
 Er regimant, er regimant,
 Me ranko mont ganet,
 Evel gwir plac'h vaillant.

Ar Goas

Neuse ta va douc Marivon,
 Quitefomp on daou or c'hanton,
 Ben eun neubeutic amser,
 Gant gras Doue, gant gras Doue,
 Nin a retorno d'ar gaer,
 D'or bro a d'or c'hontre.

Partiet int d'ar regimant
 O daou gant eur galon gontant,
 Da servicha an drapo,
 In partiet, in partiet,
 A betec eur a maro,
 Vefont fidel bepret.

Cetu ase, va mignonet,
 Daou den en em garie parfet,
 Oh ia, bars an honestis,
 A barfetet, a barfetet,
 Gret evelthe, yaouankis,
 Besit fidel, bepret.

EUN DEMEZI GRET GANT AR VAM

Var ton : Rosette

Ar Vam

Eru eo ar moment, (bis
 Va merc'h ret eo dimesi
 A da sonjal breman,
 Petra peus da ober,
 Da guitat a renkan,
 Ag ar bed dileser.

Ar Verc'h

C'hui ne noc'h ket prest c'hoas (bis
 Va mam da zont dam c'huitat
 Ben neubeut blavesiou
 Vin muioc'h avanset
 A ben fin ho teio,
 Me a mo ma choas gret.

Ar Vam

Va merc'h me en assur (bis
 Deus ar pes a meus laret
 Gant henes vi contant,
 Tre ma vi ver ar bed ;
 Dimes hep nec'hamant,
 Bara did vanko quiet.

Ar Verc'h

Va mam ne gomzit (bis
 Din c'hoas deus a dimesi
 Rag yaouankic hon c'hoas,
 Da vont da ren ar bed,
 Ne meus nemet c'hwezec vloas
 Demesi na rin quiet.

Ar Vam

Va merc'h, eun den yaouanc (bis
 A zo demeus da c'houlen
 A zo den a zoare,
 Herves ma seblant din,
 A den a galite,
 Kemer n'hean hardi.

An Dimezi

Cetu ta dimeset (bis
 Ar plac'hic gant e mam
 D'an oad a c'hwezec vloas
 Da vont da roul' ar bed
 A goud petra re c'hoas,
 Allas ! ne ouie quiet.

Ar Vam

Va merc'h, zent diousin (bis
 Rog ma quittain ar bed,
 Gant aon em goude
 E neur gafes tromplet
 Ag ar rest ar vue
 Malhevrus var ar bed.

Ar Verc'h

Va mam, en ho cosni (bis
 Ne glean quiet ho refus ;
 Ma ran eur parti fall,
 Neur glem na rin biquen
 Mes c'hui deut da ziouzal
 Ne pe goude anquen.

Ar Blijadur

Eur pennad e zint bet (bis
 O veva gent plijadur,
 Siouas an evrusted,
 Er bed neo quiet padus,
 Rag homan e deus bet
 Eun den gwel dangerus.

An Dizesper

Ouspen, meo, divalve
Eo, sur ive bambocher
An arc'hant a c'houne
Entro pad ar zizun,
Ve lonket en eun de
Ag he vreg chom 'da yun. (bis)

Ar vam Dezolet

He mam, pa deus gwelet
Ar vue voa entreze
A zo bet dezolet,
O velet he dao gret
Malheur he merc'h caret,
Tre vije var ar bed. (bis)


Lezit ho pugale
Ho eun d'ober ho choas,
Pa eo int rank usa,
Eo just d'he choas ive,
Ma ne larit netra,
Vefet divlam goude. (bis)

Ar gwel Vue

Pa neur gav c'hoas er gaer,
E comans d'ober bue
Tolet ha distolet,
Alies bazateet,
Cetu ta ar vue
Zo entre daou bried. (bis)

Avis

C'hui tadou ha mamou,
Ne ret ket evel homan
Ne deut ket da bressi
Dimez ho pugale
Gant aoun evelthi,
O pefe keuz goude. (bis)



AR PILLAOUER

Ton anavezet



Va zad en deus va dimezet
Da ur flerius pillaoer (bis)
E Loqueffret e zeo ganet
E comanann Toulalaer !
Fœi, Fœi, var va zamic aotrou (bis)
Gant he stoub hag he billou.

Mont hera d'ar velin paper
Gant ur zac'hadic pillou (bis)
Kals bahanoc'h eget ur ler,
Rak preset eo an dellou.
Fœi, fœi, var va zamic aotrou (bis)
Gant e stoub ag e billou.

Ha pann d'ho ann ankou boutet
Toul ar flerius pillaoer bis
Me a guerso d'en lavaret
Da gomanann Toulalaer,
Maro eo va zamic aotrou bis
Var e stoub ag e billou.

Tri deves goude va euret
Enn ur gav foar Landerne (bis)
Ha va lapous prim difunet,
Ha zav er mes deus he vele
Fœi, Fœi, var va zamic aotrou (bis)
Gant e stoub hag he billou.

Ne pas sistro d'ar gommanant,
Ractal ho zav un tam cros (bis)
E pelec'h he man da arc'hant
Me gred he mehinn e dagov.
Fœi, fœi, var va zamic aotrou (bis)
Gant e stoub ag e billou.

Pa vo gret ann interamant,
Gant ar paourkes pillaoer bis
He vo cavet ialc'h arc'hant,
He zac'h pillou, he grog poeser.
Maro eo va zamic aotrou bis
Var e stoub ag e billou.

Drailla ra eun anter Pater,
Tana ra he gorn butun (bis)
Tapout he ra he grog pœzer,
Evit mont var hent Sizun.
Fœi, Fœi, var va zamic aotrou (bis)
Gant he stoub ag e billou.

Pa za Yanic d'ar pardonioù,
Bepred a ve meso dall (bis)
Prest e oa da goll e vragou.
E Loqueffret e deis all.
Fœi, fœi, var va zamic aotrou (bis)
Gant e stoub ag e billou.

Red-vo-coms d'ann Aotrou Person
Deus ar paourkes pillaoer bis
Ma vo canet ar Liberon,
Hag ouspen-ze lip e rer !
Maro eo va zamic aotrou bis
Var e stoub ag e billou !

Gant-han n'ur gav camaradet
Eun ur vont da billaoua. (bis)
Ho holl arc'hant eun deus fœtet,
Ha tam pillou n'en d'he oa.
Fœi, fœi, var va zamic aotrou (bis)
Gant e stoub ag e billou.

Pa zeuio ar c'his er vro-ma
Da derri ann dimesiou (bis)
Me a iello enn ur gana,
Pell deus potret ar pillou.
Fœi, fœi, var va zamic aotrou (bis)
Gant e stoub ag e billou.

FIN

Propriété de l'Editeur.

Pa oa eun anter nos sonet
Enn llis vras ar Fouille (bis)
Me oa un intanves glac'haret
Va unan bars emm guele,
Fœi, fœi, var va zamic aotrou (bis)
Gant e stoub ag e billou.

Pa zeui karigel ann ankou,
D'ober e dro er vro-man (bis)
Me ha guerso var e roudjou
Hag er pedo d'er zamman.
Fœi, Fœi, var va zamic aotrou bis
Gant e stoub ag e billou.